

太師王端毅公奏議

太師王瑞公志影



壯乎大河喬嶽之英落落乎拔地凌雲之不以
名聖賢必居之安而資之深所重者

君親必俯不忤而仰不愧稟平巖霜勁節定見
定守煥乎晴空白日好心事好心地前

朝之群雌孤雄敢言人不敢言敢為人不敢為新
朝之天下大老係

宗柘之一一危係君子之一進一退其高標峻望
是以鎮懾邪勢然之躁其義膽忠肝足以勵頑懦靡
然之志於嚴此真

聖明時之偉人吉人正人天地間之英氣間氣正
吏部左侍郎兼翰林院學士高昌張元禎拜贊

太師王端毅公奏議序

公舉正統戊辰進士出入內外且五十年官至
太子太保吏部尚書壽九十有三歲卒

贈太師謚曰端毅其孤忠大節之著有

贈謚之誥有載德之碑有哀死之誄其文章存
者甚多而奏議爲最盛自爲大理左寺副至南
京兵部尚書者六卷兵部尚書王公憲爲御史
時嘗刻于蘇州御史程君啓充爲知縣時復刻

于三原其在吏部者九卷藏之公子太常卿承
裕所知縣王成章從諸生求得之以告于巡撫
都御史鄭公陽巡按御史曹君珪咸曰久矣慕
于斯迺今幸獲見之是爲我師知縣其合前六
卷者刻之題曰太師王端毅公奏議播之四方
詔後世馬刻成曹君命九思序之九思讀之終
卷仰而歎曰嗟乎世復有如斯人者乎剛而弗
屈也明而能盡也直而不餒也公而不衒也婉

曲而有味也其汲黯陸贄之流乎是故

天子嘉其忠豪傑讓其美蒼生誦其德夷夏仰
其名夫豈一朝一夕聲音笑貌之爲也孟子不
云乎惟大人爲能格君心之非公蓋其人焉夫
自都俞風息義理不明道德亡失志氣卑陋就
祿者多患失之心全軀者甚憂國之謀知弗逮
者蒙覆餗之耻事虛文者爲駭俗之行知而自
默者貽社稷之憂嗟乎責受朝廷之倚毗身繫

天下之安危迺碌碌至于斯也是公之罪人也
昔者主父偃讀樂毅之報燕王書嘗廢書而泣
司馬遷讀晏子春秋謂其犯顏敢諫也願爲之
執鞭蓋其中有以合也故士有曠百世而同心
者君子于是刻也可以觀人矣

正德辛巳九月甲子

賜同進士出身前翰林院檢討徵仕郎

經筵講官修

國史後學鄩杜王九思謹序

冢宰王公奏藁序

周官冢宰即唐虞百揆之職雖列于六曹而實
總衆務歷代宰相之設則別立六曹以隸之迨
于我

朝始不置相然所謂吏部尚書者獨爲六部之
長所領人才又天下首務非他政事比蓋大臣
之最重者也故非德足以格君正國才足以察
理辨物者莫宜爲之顧世遠制異天下事不盡

于都俞吁咈之間則必假于辭而後能達於是
謨訓之體變爲章疏爲題爲奏代代有之曹山
濤有所銓注必先啓而後奏宋趙普有所薦而
不用則拾殘藁復上之者皆是物也今部曹所
奏朝報所錄人皆傾耳而聽之今日行某事
之善者必曰吾

君之仁也明日用某人人之賢者必曰吾

君之明也是雖書簿格例之細而所謂格君正

國者亦於是關焉同諸曹之所同而在吏部爲尤重也

今天子御極之初三原王公復

召爲吏部尚書進太子太保天下翕然望之而公亦毅然以天下人才爲已任凡有會議必手自屬藁雖部曹所擬官屬所具亦親爲改訂四三年來散于諸司者不可悉紀文選員外郎孫君交擇其關於政之大者粹爲一編以藏于家

東陽得而觀之則歎曰於乎盛哉臯陶論知人
必曰載采孟子言尚友必曰論世後之人聞公
之風不獲見其人而接其論言者必於是觀之
而

一代之盛亦從可識矣東陽承乏翰林脩

兩朝實錄在吏館蓋自正統以來迄于成化
選舉之典式人才之名籍未嘗不得與也

聖天子之休風善政大臣元老之嘉謨偉績乃

復於

今日見之敢不爲天下賀哉且難進易退公之夙心而

眷注方切未可以言去則所以益于

君與國者尚多又敢不益爲天下望之哉公自立

朝累有獻納在南都者尤爲天下所傳誦則旣編爲別卷而序之者已詳故獨識于此庶公之

任以天下者有所參考云

弘治四年夏四月望日

賜進士出身奉議大夫左春坊左庶子兼翰林

院侍講學士

經筵官兼脩國史長沙李東陽序

介菴先生奏議序

春秋傳曰太上立德其次立功其次立言雖久
不廢蓋三者得其一皆足以傳於後而不朽德
盛矣功未必隆傳也功隆矣言未必善傳也乃
若言以紀德以昭功斯爲至言傳也言必有德
而後信於人功必待言而後濟諸事則德猶爲
言之本立言豈易能哉況人臣進諫之道欲則
攻之邪則閉之不道則道之有犯而無欺言之

立非有道德爲之本烏能入之也古之人善諫
其君者皐陶邁種德謨陳而帝俞伊尹有一德
訓作而太甲順周公有聖德無逸立政七月鵠
鶚叙而成王悟言皆本之德傳也切植於當時
也繼是大聖如孔告定哀大賢如孟告惠宣大
儒如程朱哲宗孝宗言不見用而不得行其
道退而有六經有七篇有易傳成書以明其道
言一本於德傳也切及於萬世也

天啓

皇明豪傑輩作若今大司馬介菴先生王公以
關中儒者起家進士初入翰林爲庶吉士尋以
大理寺副歷守牧進御史中丞再進兩京刑戶
部侍郎至今官嘗一征湖湘三出巡撫而今叅
贊留都機務則再入也所至秉古心迪古行守
古典禮不詆于勢不暴于寡弱威畧足以平寇
難廉貞足以激貪墨仁惠足以蘇困窮公暇手

不停披諸經百氏書以意逆志有得輒書疑者
辨訛者訂前賢所未發者發體之身驗之家而
推之以輔治天下蔚爲一代之望可謂有德者
矣則其發於敢諫之言特緒餘耳蓋先生自委
質以來遇事輒無隱矧十數年來四三刑人怙
寵毒民無不至中傷臺諫中外諱言先生於
是以身任天下之重累抗論䟽皆關

社稷至計蒼生嘉謨名教大經直指權奸而不